


臥象山房詩集



自序

太僕卿莆田程先生昔爲諸城令予方困諸生以文字受知先生最深迨通籍受教先生亦獨切國朝邸舍謂予曰世之人欲見子詩者多有而子繕寫不能給故知不知半耳因捐俸爲刻賦一卷壬癸詩二卷以二歲中方專力爲詩所存獨多也嗟乎自予爲諸生受知海內鉅公衆矣所遇學使四人觀察二人縣尹三人先生其一也及來京師天子召試體仁閣下與五十人並進旋以詩文受知宰輔又幾人往往於明發不寐時追憶平生交遊其將何以答知己哉夫古之懷文抱質而遭時不偶寂



缺卷一卷 21

冥無聞於後世者曷可勝數幽憂羈旅之人所以感憤於知希也予以空疎無能之身遭逢如此其盛先生又愾然損朝夕之費爲授梓人亟亟焉若惟恐人不知有予者然則予之所遇豈復有虞仲翔之歎歎雖詩賦遠不逮古人而先生之高義殆非猶今之人也夫良齋李澄中識

臥象山房詩集卷之二十二

琅邪李澄中漁村著

壬戌元日退朝作

漏斷春星高和風扇雍熙雞鳴問未央勤儉日益滋靈鼉聲淵淵咫尺凜

天威東華日初躍流光閃龍旗宮闕儼山河倏忽風雲馳八荒羅玉帛奉朔來京師琉球駕海至接踵高句麗其餘諸小國貢琛何纍纍卉服各異製侏離安可知王會逮萬里

聖化靡不治張弛帝德大淵默王道基朝罷詔燕饗湛露良在斯大樂奏鈞天髣髴追咸池豹胎雜熊躡

金盤間玉卮諸臣既醉飽倍覺

皇情怡賡歌聞自昔永爲千世規

送衛愚谷職方還曲沃

明日驪駒大道傍東風吹柳轉年芳烏衣門第推丞相周禮輿圖屬職方共說思尊辭鳳闕曾誰回馭謝羊腸鶴巢已近三珠樹莫忘高飛入帝鄉

送祝駿公入越

爲貧又作他鄉別一杖翛然下虎林杜甫壯遊饒逸興石洪入幕感知音登臺嶺抱桐江轉把酒春隨秦望深久說越中山水勝天台雁蕩好幽尋

送于子先視學粵東

幾年擊鉢題詩侶此去褰帷萬里開雪夜尚傾燕市酒客心先到越王臺地標銅柱天涯遠日落珠厓海氣迴別後懷人惟有夢那能分手不徘徊

其二

天南草色引離情啼鳥猶爲故國聲攬勝初過黎母水吟詩多在五羊城酒香椰子垂垂見花艷扶桑宛宛生遙識新文傳海外羅浮越秀遍題名

浩歌贈祥符令毛會侯歸遂安

毛侯坎壈那可言毛侯坎壈無一言得官棄官等閒事空令壯士傷精魂忽過寓舍別我去春風柳綠城西門憶昔相逢青門側海內爭識文章伯出宰百里

亦不惡男兒立志在許國詎料浮議橫中傷黃河嵩
少無顏色浚儀男婦走且號嗚嗚日聲嘈嘈連夜
礮石紀遺愛平明起樹豐碑高豈有事權不在握能
使萬姓生謳謠不須援琴鼓一曲自古幽蘭滯空谷
奇文既使鬼神驚高名寧免俗流辱世上那有信陵
君英雄處處窮途哭富春山色青崔嵬桐江江水夾
鏡開歸舟定過七里瀨客星尚照嚴陵臺松臯亭子
長綠苔離騷在手酒滿杯聲名久已動

天子謫人於我何有哉君不見陽城下考世所憐又
不見卽墨謗書書連篇是非論定會有日死灰溺盡
還復然送君行酌君觥盧溝日落浮雲生別後懷人

不可見斫地哀歌淚如綫

送少詹事崔夏章先生 祭告長白

二月東風柳作烟 聖朝禋祀簡材賢江流自抱興
王地山色常橫北極天此去回看星斗遠到來忽見
雪霜懸卽今河嶽懷柔日正是乾坤震疊年

龐雪厓檢討招同陸義山編修崔宗五檢討桃
園看花紀事

一春過半苦偏側欲發狂言那可得興來共訂桃園
遊便覺幽情豁胷臆今朝氣爽喜得朋並馬何用黃
金勒沙路寬平細草青倏忽已過天壇北園中風物
頗清曠到眼雜花紛弄色蛺蝶娟娟白日低香薰翅

軟飛無力隔苑遙聞布穀聲山中舊事還相憶羈懷
乍放常慘悽此時此意誰能識須臾列坐開酒樽大
卮小卮密如織陸子浮白不計數崔子龐子同溫克
子也其從壁上觀寫意開心在頃刻長安行樂各一
時吾曹錮疾無終極急鞭歸馬踏斜陽醉眸剩有塵
埃黑

贈學士張敦復先生 假歸樅陽

休沐成歸計離心問落花幾年依日月此去且烟霞
樹裏江帆隱雲邊驛路斜懸知懷友夢時復到京華
送蘇筆山孝廉下第東歸

平生最愛蘇廷碩此日東歸夢故鄉誰向泥塗收駮

駢久從埋沒識干將關河春色人千里今古離情酒
一觴休覓北山深處臥漢庭還待賦長楊

上巳相國馮公招飲萬柳堂次韵

密柳含烟境轉幽尋芳還許共羊求題詩梓澤逢今
雨修禊蘭亭是舊遊橋外路迷逢樹問樽前客在爲
花畱環山一帶皆春水時有鳧鷖下綠洲

贈江眉瞻柳州守

地人西南遠星連翼軫低孤城五嶺外萬里大荒西
此去看銅柱還如祀碧雞天涯明月夜休聽鷓鴣啼
其二

天未孤舟去風濤信擊撞千山連象郡一水劃龍江

瘴雨詩情遠蠻歌客思降文翁曾化蜀治行李無雙
送蔣莘田侍御出參粵東

驄馬今仍在羊城去路催山橫五嶺斷江向百蠻開
春雨桃榔樹鄉心椰子杯地畱坡老宅人是陸生才
宇宙珠厓遠梯航象郡來天涯亭上月依舊照西臺
送金琢庵孝廉東歸得來字

平生自信知君早此日俄驚被放回遠道新偕良友
去三春只作踏青來愁中見月心偏苦別後聞笳意
轉哀珍重懷人將尺素前期難定獨徘徊

送張又陶之任神木三首

春風一相別離思滿燕關通籍豈不佳嗟彼良會艱

朝渡黃河水暮上太行山驅車西入秦倏忽渺難扳
悵望蹊路側雙鬢颯已斑願言追昔愛時寄魚書還

其二

丈夫在一世出處良須經君既富文史應與政事并
此地雖荒陋簿書得無營人家鋒鏑餘吏事未可輕
俯見無定河仰見武原城杜甫遺舊宅空令春草生

其三

識君自殘臘數載虛聞聲握手出素心一見還相傾
會面能幾時人事浩縱橫咫尺尚睽隔樽酒安可輕
分襟卽往路關塞懸孤城朔風吹落日颯颯衰草生
沙磧時飛揚千里黃雲平鄉思漸以遠離思漸以縈

君子在下邑官閣如柴荆

送朱懋生之任平鄉

滿堂絲竹送君行
明日單車出帝京
薄俗應知爲吏好
臨岐無那故人情
宵來夢渡漳河水
別後魂銷鉅鹿城
召父聲名誰得似
漫將迂濶笑書生

暮春過後湖作

林杪旭日升淪漪
時蕩漾夾岸垂柳交
葱蒨不可狀
妝樓遺舊址
巖業聳孤嶂
湖水截其湍
餘波委寒漲
人烟麗山椒
籬落互相向
勝蹟滿京華
風物此獨曠
東拱景山深
南注瀛臺壯
葭菼美清曉
鷗聲雜漁唱
軟塵已復消
神理忽自暢
延佇獨移時
歸來轉惆悵

送汪舟次檢討出使琉球

皇帝二十載
雍和被八方
屬國奉正朔
月竈皆賓王
卹封有舊制
恩施逮遐荒

聖朝重典禮
盈庭簡材良
我友汪伯子
王命爾所將
丈夫飽經術
用世罔不臧
及茲使絕域
駕海排帆檣
驚濤鳴作雷
開闔變陰陽
月明蚌珠吐
標建蝦鬚張
髣髴龍威出
貝闕森瑤光
四顧地維盡
仰視惟青蒼
丹詔百靈護
御氣如清霜
倏忽超馬齒
揚光日月傷
出使能不辱
雖遠庸何傷
夙昔同心友
臨岐各盡觴
驪歌秘不發
寵命實煌煌
文德溥淳熙
武功銘旂常
待君萬里歸
謨烈高無疆

五日與袁杜少編修崔宗五檢討遊金魚池

帝京勝蹟多晏遊各有時此日巾柴車采艾金魚池

念我同心友不異瓊樹枝飲酒豈須醉幽興常追隨

庭前雷雨過草樹互參差潛鱗躍新水澄潭遞逶迤

沿洄得靜便曠衍少蔽虧遊人逐時物推移詎復知

一徑雜糅中感悟良在斯遵渚沙路紆夕景歸來遲

哭陳其年檢討

我昔病窶貧君來數相望昨日視君歸臥病聞君喪

淚下如縷縻氣竭神自傷斯人或列仙誤臥黃金牀

謫墜向人世困頓艾荷裳十齡足文史十三推擅場

白首志不就盛名多周章徵書一朝至獻賦追班楊

文采結 主知珥筆石渠傍有酒共斟酌直廬隨雁

行尋松刺梅園角韻龍湫陽飲啖誇健在大笑蒼髯

張僉謂長者心忠厚後必昌世事難預料天道竟茫

茫無室與無兒一官死他鄉惟餘身後名寂寞歸山

岡

送相國杜公歸寶坻

盛治建中和燮理資元臣我公伊傅材手轉萬物春

秉鈞二十年再見風俗醇憶昔軍興時謀畫實苦辛

一麾掃黔蜀再麾清滇閩太平歸我

皇徐乞烟霞身 朝廷念碩膚上公戀紫宸以茲識

明良君臣義始伸丈夫慎出處爵被匪所珍名垂天

壤間重返東山輪是日都城外嘆息傾路人小子舊
侍坐離思難具陳何以勸加餐晚節逾日新崇德邁
昔賢令名無等倫

送錢宮聲編修歸平江

病臥始經旬君歸有前期言念平生歡星散浩難追
古人重離別後會不可知而况我與君俱非少壯時
鄉心鱸魚膾客夢蓴菜絲三泖太湖間去去獨委蛇
幸思北風發寄我長相思

張晴峯工部雷琴歌

我聞雷琴未曾見細紋班駁蛇腹斷張子購之手摩
挲邀我更作雷琴歌憶昔棄擲向燕市風塵頃洞隨

流水太古元音秘不宣號鐘絲綺知誰是膠漆解散

驚相視腹中藏得大唐字

內有大唐雷氏斲五字

西蜀雷氏斲

始成松雪迸落峩眉翠

雷威往峩眉伐松爲琴名松雪

嗚呼神物流

傳良可哀千年興廢同蒿萊金魚玉盃幾回出賀老
念奴安在哉此琴獨有鬼神護銷磨世代成劫灰水
部一彈頷其頰再彈颼颼清風來俯仰天地懷抱開
浮雲半過軒轅臺須臾雲散不知處明日相携聽琴
去

六月十五日瀛臺紀事

乍見湖光湧應無暑氣蒸風雲棲畫閣日月抱觚稜
蓮葉新堪采龍舟舊許登欲知魚水契處處有漁罾

送相國馮公致政歸臨朐

賜燕會聞賦柏梁新 恩送返午橋莊十年謀國心
尤赤四海銷兵鬢未霜偶出身為黃閣老將歸夢到
白雲鄉 帝城楊柳多愁思寂寞春風舊草堂

其二

歸去平泉獨舉杯更誰相遇解憐才白頭再向東山
臥遠夢還從北闕回別後滹沱秋水落到時大弁山
菊花開飛鴻起處遙相憶悵望愁登郭隗臺

與黎瀟雲麗雪厓兩檢討過錢宮聲編修話別
瀟灑秋風日夜催歸心離思總難裁三年漸作晨星
散千里誰曾尺素來別後懷人多闕寂樽前携手重

徘徊浮雲不蔽青冥濶却望飛鴻意轉哀

萬柳堂餞別相國馮公次韻

秋風別意滿垂楊疎影蕭蕭半帶霜人為分携重載
酒詩因贈遠轉思鄉子與相國皆籍青州杜陵西閣離愁起謝
傅東山歸興長明歲柔條依舊綠更誰相對樹千章

送翁心齋開封郡丞

新驅五馬中州去山色河聲相盪迴白眼題詩臨廣
武清秋把酒上繁臺 朝廷自重東京地盛世還須
治郡才知爾風流能好士夷門經過定徘徊

送鄭司直觀察台州

久聞燕趙悲歌士思見其人不可得蕭寺來尋鄭子

真片語相合出胷臆少年會射聊城箭大勇實借詩
書力是時樓頭畫角聲黃雲吹散長安城予也疇昔
自意氣有心恥向時人傾把臂訂交在杵臼壯懷兩
兩相崢嶸昨日西風動寥廓持憲台州亦不惡紫瀾
倒捲海門飛赤霞半映天台落萬物同蘇太平年室
家尚待安全畧驪駒在門九月時秋香暗滿黃花枝
人生舉足皆岐路何處相逢無別離聊歌一曲相傾
倒不爲君傾更向誰

九日遊萬柳堂

夙昔耽丘壑能令心跡并今來覓園林亦足移我情
矧茲值重九遊覽安可輕修吟被衰柳圓波駛若驚
遠色澹杪秋雲木含淒清茅亭麗山椒巖岫鬱崢嶸
虹橋曲澗轉瑟瑟蒹葭聲積抱久自鬱觸境懷幽貞
傾觴念夕暮靡迤擷秋英

張晴峯工部席上聽楊振玉彈滄海龍吟曲

秋生庭樹葉颼颼日夕醉態半雜沓楊生獨操太古
音使我拔劍舞三匝明徵高張手自搔絃急柱促傷
哀猱一彈窗外碧雲落空堂疊翠寒山高劃然義甲
動海水咫尺波濤座中起水仙一曲邈何處恍如刺
船去萬里改絃移撥別有情大龍小龍齊作聲天風
疏越忽一掃萬籟寂絕秋空清吾家琅邪枕東海屈
指別來已數載當時龍鬪雷雨腥祇今畱得龍鬚在

又憶少年春夜深夢中驚聽雙龍吟他鄉歲晚聞此
曲極目蕭條故國心

十九日過雪厓

獨坐懶登高愁與病相迫觸物感他鄉老此逆旅客
坦步過比隣良友羣相索味道養靜便古歡在幽僻
人生幾重陽卽事有今昔燈前黃菊叢陶然未今夕
二十九日獨遊憫忠寺

是月病相尋蹉跎失重九強欲登高去同心鮮良友
旣臥忽起旋蕭寺近在右霜落梵唄清心閒坐來久
重陽能幾時轉盼忽衰醜明日卽初冬秋風復何有
長嘆出山門斜陽翳衰柳

題張杞園浮家泛宅圖

張子博物稱多才身長七尺美且鬚憶昔讀禮招不
起手把釣竿釣秋水何異唐時張志和圖來泛宅隨
烟波除却扁舟不肯住人生好記烏程路濕烟濃處
盡長江依稀猶見西陵樹對景常披一卷書微吟巢
父掉頭句那無茶竈煩漁童亦有樵青照輕霧一聲
欸乃浮玉春幾處漁歌太湖暮忘筌聊爲把釣人會
心但寄濠梁趣少日南尋建業山與君千里同往還
此行奇絕轉堪妬使我夢入蒼雲間

東岬峰

積翠聳孤標神秀倚霄漢莽蕩衆壑開勢若風雨散

何日陟絕巖長嘯出天半

木簾菴

流水自古今深公舊卓錫朱門若蓬戶一心閱喧寂
遺徽寄此山茆菴倚絕壁

西菴集

石乳結芙蓉相承有盆盎一隙吐紅泉淙淙作寒浪
我欲挹天漿壽與松喬抗

馬蹄石

支公英多人雄心託神駿至今石上跡霜蹄猶奮迅
想當攬轡時嘶風駐千仞

夕陽阿

夕景望朝曦空山倍蕭遠翳翳草色熏凜秋淒以晚
樵歌幾處歸餘光在遙巘

沃洲山

聞說沃洲山邃深是福地買隱思道林人代忽幾異
寂寞放鶴峰月下起清唳

都門送俞掌天之楚中

聚散無前期昔別不知處老懶易招尤故人幸相恕
問君來何方言自函關路為貧苦奔走還向湘江去
握手能幾時分袂毋乃遽客懷常慄悽離索逮徒御
君子慎周防行世履百慮

送陸義山編修歸平湖

凜凜歲將暮送子還故鄉北風大漠來吹雪滿漁陽
明當就往路有酒且盡觴夙昔共岑寂官清如休糧
興文互斟酌造朝隨顏行桃園賦詩處此樂安可
忘况我遲暮身臨岐情逾傷延佇在斯須會面不復
長燕山與浙水夜月遙相望縱有尺素書道遠誰爲
將

寄懷孔心一觀察

孔公用世人夙負烟霞癖憶昨在長安文酒見標格
半醉發高吟虬髯張如戟狂來唾壺缺長嘯秋雲碧
餞別海棠前遂爲五嶺客詎意戀沉冥善病巧相迫
脫屣謝浮榮一編束朝夕寄來粵舟詩三復嘆翹跡

陵茗忽幾變熒熒自蕭槭歲晏轉懷人坐令繁慮積
回首念同遊晨星感今昔運流悼物化

謂韋齋也

卽事有

睽隔世故浩難知意氣安足惜饑渴勞我心臨風思

奮翻

答趙壺石象山松下見懷原韻

別後桃花幾遍開舊題石壁長莓苔屋梁月落天南
北山路雲深夢往來幽洞尚畱尋勝屐故人多負出
羣材鬚眉空向他鄉老好護新松待我回

不計曼殊詩

曼殊者毛檢討大可之小妻也大婦頗嚴欲誘

而嫁之曼誓死不從君子哀之作曼殊詩

京都有美女容華照城隅生在深閨中嬌小字曼殊
十二學箴篋十三學詩書守身堅擇對偃蹇已數夫
不惜爲絡秀但願嫁通儒毛郎富文史賦手邁三都
遇林主及遲暮一官羈石渠尚缺丈夫子丞相爲爾
圖東里遣媒人西里選名姝經營近半載無過於曼
殊毛郎家計薄四壁常蕭疎旣乏明月璫又少大秦
珠更聞內子嚴頗喜隔江湖食貧二三載兩情如斯
須何意大婦來事變出不虞舉家色慘悽丞相謂曼
殊毛郎年遲暮官貧徒區區改圖使爾爲作計莫太
迂曼殊一無語淚落繡羅襦賤妾薄祿相誓必嫁通
儒一朝初蒲葦得與毛郎俱不願明月璫不願大秦

珠遲暮付天命委身在勤劬女子存事人安能棄半
塗丞相太息去出門重嗟吁大婦延惡媼如忌非良
謨耳語互諾諾老媼趨通衢始至相逼迫還復相抑
揄貞妻何名義此事古所無郎意久異同計事一何
愚曼殊大號跳天平我何事郎今負義信慟哭聲烏
烏氣結腸欲斷死生在須臾倉皇覓良醫強起事脚
跌藥餌徐徐下數日魂始蘇身雖未卽死矢願在厥
初蒼蒼陵上松萋萋澗邊蒲同時被霜露柔勁隨根
株

... 卷之二十三 ... 詩集 ... 卷之二十三 ...

臥象山房詩集卷之二十三

琅邪李澄中漁村著

癸亥春初送張晴峯視學浙江

拙宦豈不達行世信所遇三年借材賢一官還我故
長嘯向浙中坦懷見君素夙昔越絕書於今歷其處
既攬赤城標復挹桐江趣對酒賦心生靜極發良悟
風流滿東南能無感雲樹忽憶去年秋彈琴索長句

過龐雪厓檢討觀崑山石

我本山中入枕石采紅藥三年隔巖棲幽意靡所託
忽睇几上峰聊可慰寂寞蒼翠嵐氣餘玲瓏鬼斧削
意象觸類成陰洞含雨脚遐心感夙昔慨焉睠丘壑

送宮允徐彥和先生歸崑山

青宮輔翼有賢聲却戀烟霞少宦情久客故應思桂樹還鄉原不爲尊羹三年夢憶新洋水一杖春歸西鹿城勳業科名兄弟共能無回首望燕京

送袁杜少編修省親歸東明

春風折柳向河橋欲話離情客路遙別後慇懃成遠夢愁來聚散半同僚題詩何處思良友將母惟應託聖朝到日看雲定回首漆園城外草蕭蕭

題畫

抱此丘壑心畫筆自蕭遠長松引山椒逶迤村徑坦岡迴林影稠澗深水聲緩欲賦紫芝謠彌覺荷鋤懶

茅屋閒無人空山白雲滿

送內

吾生落魄久子能甘貧賤垂老謁承明分手隔鄉縣前年孟夏來艱辛歷已徧巾車明日歸骨肉忽分散兒女傷人懷牽衣淚如霰人生苦別離山川在覲面予病滯他鄉饑渴與汝判各保千金軀生還會相見

送姪溶東歸

三年回首苦相違昨日重來今又歸短髮吾仍掩帝里長途寒莫換春衣塵開涿鹿聞吹角馬渡滹沱見落暉衰病心傷空悵望柴門深閉淚頻揮

送孫子立編修奉使安南

歸象山房詩集 卷之二十三
薊門三月送征車萬里親過瀘水涯富良江瀘水依斗
回瞻天北極乘風遙看日南花 聖朝恩錫蠻方命
屬國春生使者槎此去新詩畱絕域幾時先寄到京
華

三月三日獨坐有感

閉門似覺草堂深不雨連朝晝自陰故里親朋各歸
去他鄉疾病重相尋忍將勳業看明鏡恐使烟霞負
宿心忽憶去年當此日柳邊修禊正高吟

向晚

向晚親燈影輕寒竟日陰雨聲鄉思遠春色旅愁深
砌竹風前靜隣鐘花外沈不堪悽絕處歸鴈有哀音

送翁武原之桂林任

赤壁舟中月隨君到桂林

武原舊黃州丞

江連湘水遠湖過

洞庭深惡木蚺蛇伏空山石燕沈人從五嶺去詩向
百蠻吟草色天涯路梅花別後心孤城無瘴癘柳酒
獨堪斟

送井方思衢州丞

與君隔巷居論心每携手風雨時過從追歡亦云久
平生岑寂人所急匪升斗數載鳳凰池佐郡今出守
勿言官俸薄聊足供卮酒別當三月時春風滿楊柳
畱滯獨京華鶯鳴念良友

答張石民見懷

夙昔論文友相違已六年春風燕市裏鄉夢海雲邊
舊事猶堪憶懷人倍惘然帝城烟漠漠官路草芊芊
把酒彈琴夜尋花聽雨天蘇臺宵看雪仙島夜回船
石屋披雲入槐亭對榻眠忘形真爾汝分袂卽風烟
尺素憑誰寄衰顏祇自憐敵愁千日酒失笑一囊錢
饑死羞方朔窮經老服虔漁陽斜景外碣石挂帆前
近塞驚鴻返無家恨月圓幾時共携手采藥向春田
送宋牧仲觀察通未

建節猶京邑遼西按部過風雲三輔近豪傑五陵多
草色盧龍塞春光通潞河晴烟連朔氣重地枕滄波
別意看楊柳幽情怨薜蘿懸知官閣靜新句譜雲和

過齊貞吉看花歌

南隣有花昨日開東家酒熟初發醅春光欲盡布穀
催痛飲須滿三百杯醉來長嘯臨高臺縱橫白眼凌
八垓百年看花能幾回對花莫使心常哀

與愚菴阮懷六謙雪崖遊柳林二首

水外高林背郭斜小橋細路問漁家客心易感王孫
草帝里惟尋杜曲花隔岸聞歌遙勸酒浮雲向晚
忽成霞遊人歸去殘陽裏最愛疎籬一半遮

其二

歌鳳誰憐舊楚狂梨花半落尚餘香不知綠野三春
老又見朱魚一尺長隄柳榮枯思異日酒杯深淺伴

他鄉居人莫訝來遊數丘壑關情未忍忘

送華西弟之肇慶任

廣寧門外柳花香折柳臨岐各盡觴舊掌絲綸依
帝闕遠携僮僕去蠻方春回五嶺風烟迥地控三江
道路長試看端溪波上月夜深還到鳳城傍

偶題

昔到夏雲滿今歸春鳥啼慙慙殘夢在不復去遼西

贈龐雪厓檢討

龐公遊物外託跡瀛海濱一朝上玉堂辭賦何嶙峋
移居共夾巷言笑無冬春踏月聽隣鐘叩門及清晨
得句互斟酌三年意彌真浩蕩萬古情磊落五尺身

我欲采蘭芷願言寄所親大雅久淪廢寤歌託山榛

與齊貞吉少尹家德公行人伯舍中翰臥衡縣

令飲祖家園水亭以心遠地自偏爲韻

緒風麗晴色出郭事幽尋迤邐細路盡渺然春水深
登亭俯枉渚重以松樹林遙情忽自愜酒竭時復斟
嗟彼冢中人慷慨抒哀音

其二

柳絮颺雪飛物色淒以遠三春逝如駛來遊一何晚
新荷葉田田雜花被長阪喬林裊懸蘿蛟龍互偃蹇
舉觴幽興賒未朝未曾返

其三

京洛多緇塵一水忽無地雲構俯澄瀾助我濠濮意
微風散淪漪修鱗躍荷芰安得木蘭舟陶然成獨醉
倚檻望西山夕陽落空翠

其四

園林結構殊孤亭擅幽致澄淵含清映野水何所自
曠望四面開積鬱發良喟風烟物外深丘壑塵中寄
空林一鐘鳴俯仰見蕭寺

其五

步出右安門彌望皆水田沿澗多勝槩至此忽成川
白楊莽蕭蕭岸葦何芊芊畫舫截作亭我心與悠然
豈惟暫遊憩聊可忘歲年

遊中頂回香亭晚眺

野寺何鬱曠規模準岱宗樹蔭碧琉璃殿鎖青芙蓉
孤亭號回香古池潛虬龍荷葉尚未攄新蒲已茸茸
水色恬若鏡照見西山峰夕陽幽意滿欲去還聞鐘
寄懷隋東望孝廉

憶在似湖亭論心數晨夕詎意五經秋遠作千里客
言念平生歡魂夢未相隔昨歲暫過從又未罄夙昔
倉卒垂翅歸有懷浩如積豈不薄浮雲壯年良可惜
親老與家貧苦心兩相迫努力青雲途歲月莫輕擲
休恃義有餘行世見標格

五日龐雪厓檢討惠芍藥

茲辰獨坐苦心違，隔舍人來自叩扉。
入戶乍驚香裊裊，開簾還見蝶飛飛。
衰年采艾因多病，佳節尋花卽當歸。
坐對匡牀聊未夕，菖蒲深酌醉忘機。

送張弇山烏程令

細雨新晴水滿隄，送君南去草萋萋。
到時自酌烏程酒，勝地難尋苕霅谿。
遠道寄書驚歲改，良朋懷舊怯鶯啼。
亦知張敞居官好，翻向風前怨解携。

送王企菴將軍之萬州任

銅柱孤標遠瓊厓，萬里賒一官。
羈嶺表慈母隔天涯，絕域風烟變炎荒。
日月斜荔支香帶雨，孔雀畫銜花別路。
隨芳草離心寄落霞，熏風江水上羨爾暮鳴笳。

送諸式儒上舍歸武林

芳草天涯旅思催，一帆新自薊門回。
携將石鼓周宣篆，還問孤山處士梅。
第尚存歸客計，酒樽重爲老親開。
秋風相待長安陌，莫負黃金舊築臺。

送李斗南將軍之粵東

熏風南去荔支香，五嶺炎天道路長。
柳子林中朱勒馬，木綿花下綠沉槍。
職方已向珠厓盡，王會還來銅柱傍。
莫訝海濱鯨浪息，長纓曾繫夜郎王。

送閻梓勤之太原因懷令祖在彭淮上

與君三世通家好，入洛相逢正少年。
短策遠携淮浦月，征衣新拂薊門烟。
終童勳業追前哲，荀氏風流起

後賢二十聞聲良友在白頭懷舊重茫然

寄楊六謙徵君兼懷錢伯衡廣文

五年再遇長安陌千里鶯花伴客還懷友稽康原命
駕逃名种放又歸山漁樵業在空相憶文字官貧祇
是閒寄語齊盟兄弟道天涯悵望各衰顏

謝龐雪厓檢討惠桃李諸果

連朝臥病今方出策馬歸從暮靄中乍拂軟塵思玉
露忽來佳果滿筠籠桃開何處尋漁父李苦誰能識
阿戎含嚼不因消渴久幾回上苑共春風

雪厓會約
桃園看花

苦熱漫興

今年熱尤甚夏閏得秋遲院小風難入愁多病易隨

披衣休命駕支枕罷吟詩肺氣蘇何日蒼涼薄暮時

其二

小宰誰堪住孤槐已滿庭晴窓流毒日深夜畏繁星
土淺花猶赤墻低竹自青故園有烟水一枕漱清冷

謝王學士惠佛手柑

蕭晨憶江南遐心誰復識詎意珍果至遠帶洞庭色
拳學仙人掌來自金粟國爛然几席間香氣逮食息
人生豈須多適意在頃刻我欲摘橘頌讀騷報明德
哭侍讀施愚山先生

夫子昔鴻舉憑軾下臨淵五經實紛綸秉鐸稱人師
振衣臨日觀海色高鬚眉維予魯且僻絳帳許再窺

叅藩去西江歲月忽如馳林臥十數載遂爲
天子知殿前奏新賦湖上賡雅詩覽之
帝曰都弘文非爾誰天祿石渠間史館何逶迤直廬
得趨侍稽古兼析疑抱茲知罪心寧借游夏詞是時
嵩少來精氣日益衰著書達丙夜一燈影離離神旺
齒未落白髮已垂絲下馬入東華坦步相追隨到門
長太息明年吾當歸人生重首丘過此恐後時在萬
困二豎臥病遂不支那知病間日便是死別期寂寞
敬亭雲寥落宛溪涓賦性得中和觸物心常悲風雅
賴砥柱詩運悼中卑名心老未休宦薄歸何遲旅櫬
明日發傷心淚漣漣而髮鬢驟龍鸞陰風飄靈旗

贈萬貞一

四載秋風前與君始相遇津逮搜秘書稽古掃雲霧
授簡得同直清言每日暮退食東華歸携手味徒步

阮懷其年皆
有徒步行

疑義各相析常恐多謬誤共事四五人

小心理章句春踏御河水秋攬後湖樹世態真飄風
人生感萍聚吾曹苦常勤幽懷在良晤求友古所難
短章表情悖

送下伯謨歸海曲

六年不采北山薇送客長安換袷衣芳草有情憐鬢
改浮雲無繫與心違滹沱岸上聞蛩語瀛海城邊見
鴈飛路過超然回首處應嗟薄宦未成歸

讀之我亦愁破涕如縷縻人生寄末世多爲情所移
丈夫狹八荒不遺兒女私余嘉贈婦篇潘岳悼亡詩
入室想舊歡出門若有遺仕苒時序變含悽尚未衰
庭隅鳴蜻蛚幽憂當告誰百年不復偕莊缶亦何爲
秋日西海子紀事
壯麗開宸極空明繞禁城蘆深綠岸出荷遠貼波
平圓殿參差見妝樓宛轉生雲邊行柳影烟際曉鷗
聲龍舸浮瑤海天風掃石鯨年年玉泉水清切近蓬
瀛

送尤悔菴檢討歸長洲

幾年共着舊朝衣君厭承明早息機天祿書成雙鬢
改吳江秋滿一帆歸愁來自恨同心少老去誰堪見
面稀疑義何時相與析遂初欲賦願猶違

其二

臨岐老淚未曾乾後會無期怯別難家有鳳毛能繼
志客馴龍性始辭官新詩會上蓬萊殿遠夢還來太
乙壇鴻鴈南飛秋漸冷幾回書札報平安

與悔菴庭表大可羨門勝力飲石林齋中
委巷秋聲滿高齋暮景遲華燈憐靜夜細雨送深卮
檻曲花能好門偏柳故垂晨星動經歲及此共追隨

其二
聚散思他日疎狂笑此身
秋花欺老鬢薄宦羨歸人

時梅菴
隔院風聲集當杯
露氣新晚涼餘醉興騎馬

信緇塵

九日與劉六皆刑部張毅文周雅楫兩檢討舍

弟公凱編修黑窰經登高復飲公凱齋中

徙倚高臺上夕烟霜清平楚轉蒼然西山漸向城頭

出古塔翻從樹杪懸秋色關河蓬鬢外天涯兄弟酒

杯前持螯聊送黃花節對景愁多異昔年

梅厓觀察於真定署中濬池得泉字曰芙蓉賦

三詩寄之

官閣擬辟疆琴鶴祇自怡
馴地泉脉通淙淙見流澌

激波忽成川微風動淪漪
艷彼芙蓉花聊以名我池

清香四面開花葉非一姿
平生愛丘壑常與幽事期

而况臨清沼臺榭互蔽虧
虜沸移我情桂棹亦何為

其二

恒山本拳石飛來自朔方
韓侯下趙處兵氣如秋霜

悲風吹瀛海落日愁太行
觀察蒞茲郡風雅夙所長

退食自臨流左右芙蓉香
茅亭間瓊島虹橋轉飛梁

拂袖揮素琴花實互低昂
明月鑒我心游鱗躍我傍

重地資坐鎮此樂殊未央

上總憲徐公

嗟峨洞庭山浩渺三江潮時清名世出五百當

聖朝夫子海嶽秀臯夔翊神堯對策推獨步令名日

以昭金鳩掠瑤海健翮搏秋颯既歷左右丞謙謙德

彌劭特簡御史臺大夫冠百寮抗疏向齋楓宸霜

肅風蕭蕭補袞古所重示民庶不怵風

題周雪客叅軍燕舟

小室若虛舟布帆在燕市昨夜夢故鄉歸楫未可理

誰知京洛塵不異秦淮水四壁具篷窻欸乃櫂歌起

我欲采芙蓉江湖渺千里何以識淺深招招須舟子

送周燕客濟南別駕

疇昔客雲門相識在童穉君今佐郡時吾老已顛顛

青齊舊遺愛宦遊還此地家世本清白勤慎良須記

經濟與誦讀出處寧有二明湖散錦綺暗華落蒼翠

退食足嘯歌人生慎所寄別路雪初晴斷鴻引離思

聞劉子羽授黃縣廣文賦此寄之

劉生詩賦狂無敵八十傳經未是遲時子羽年七十有七薄宦

空憐人易散尋盟更恐老難期鴻邊雪滿田橫島夢

裏雲開月主祠莫笑廣文官獨冷古來惟有鄭虔知

江初娥節孝詩

共姜柏舟味曹娥幼婦辭守身與事親千古誰能齊

婺源江氏女節孝兼有之少小字初娥端淑知禮儀

嫁作汪家婦末為偕老期良人中道死棄之忽若遺

初娥二十餘寂寞守空閨一燈半明滅夜夜聞烏啼
雖無出腹子衛足過於葵伊父年七十昏臥缺晨炊
壯子俱已歿兩孫方孩提初娥啓姑舅新婦誠數奇
夫亡有叔在尚可奉嚴慈我有親父母年邁筋力衰
暫乞還家去溫清貴適時諸孫幸長大事畢還復歸
舅姑俯諾諾新婦出房帷驅車至母家甘脆寧忍虧
歲月忍在耳胸涼良可悲老人歸黃泉掩土躬藁裡
念彼顧復恩竭力得無違汪氏亦中葉叔死尸難持
從子方數月抱歸恩勤斯以茲嗣良人寄生本一枝
朝夕望成立授室延良師繼絕爲婦德枯木發華滋
力衍兩宗祀實維娥所爲俠烈邁嬰曰大義存綱維

作詩闡幽芳異令後世知

雪後飲龍雷岸檢討齋中

到門晴日佳物候猶凄緊虛室靜生明雪色暗相引
斗酒豈爲薄興至時一哂袞袞緇塵中山林憶修吟
貧富信浮雲窮達視朝菌長嘯倚醉歸天風蕩虛牝
喜楊輔峭與靈轡大師過訪長安寓舍兼得子
羽象先蓬海石民昆鐵書感賦二首

六年不剪故園萊離索曾誰共舉杯客夢遠尋高士
去家山似逐聖僧來柴門乍覺風塵隔藥裹能令懷
抱開聞道良朋相憶切慚余畱滯獨燕臺

其二

初娥二十餘寂寞守空閨一燈半明滅夜夜聞烏啼
雖無出腹子衛足過於葵伊父年七十昏臥缺晨炊
壯子俱已歿兩孫方孩提初娥啓姑舅新婦誠數奇
夫亡有叔在尚可奉嚴慈我有親父母年邁筋力衰
暫乞還家去溫清貴適時諸孫幸長大事畢還復歸
舅姑俯諾諾新婦出房帷驅車至母家甘脆寧忍虧
歲月忽荏苒駒隙良可悲老人歸黃泉掩土躬藁裡
念彼顧復恩竭力得無違汪氏亦中葉叔死尸難持
從子方數月抱歸恩勤斯以茲嗣良人寄生本一枝
朝夕望成立授室延良師繼絕爲婦德枯木發華滋
力衍兩宗祀實維娥所爲依烈邁嬰曰大義存綱維

作詩闡幽芳異令後世知

雪後飲龍雷岸檢討齋中

到門晴日佳物候猶凄緊虛室靜生明雪色暗相引
斗酒豈爲薄興至時一哂袞袞緇塵中山林憶修吟
貧富信浮雲窮達視朝菌長嘯倚醉歸天風蕩虛牝
喜楊輔峭與靈轡大師過訪長安寓舍兼得子
羽象先蓬海石民昆鐵書感賦二首

六年不剪故園萊離索曾誰共舉杯客夢遠尋高士
去家山似逐聖僧來柴門乍覺風塵隔藥裹能令懷
抱開聞道良朋相憶切慚余畱滯獨燕臺

其二

來遊約在九秋初不見巾車倍企予雪後連宵歸里
 夢懷中三歲故人書曾看畫筆思君子輔峭寄更說
 寒山憶敝廬奚公住予老去白慚歸法晚北風蕭瑟
 二毛疎

客興

蕭條客興水中鹽永夜寒燈伴軸籤欲把怨情酬李
 白却將別賦弔江淹尺書不到人千里鄉夢初回月
 滿簾窗外雪霜深幾許朝來變盡舊長鬢

送楊輔峭歸東武

與君白髮漸相侵握手空勞去住心歲暮不堪歸路
 遠日斜偏照故山深吹笙久煉烟霞骨荷篠還爲雨

雪吟煩謝良朋常問訊知予宦况在雲林

歲暮思歸用梅菴韻六首

他鄉多病苦思歸長夜風燈獨掩扉蓬鬢又更新曆
 日藥囊頻典舊朝衣江寒尚憶鱸魚美山遠空憐蕨
 菜肥知道抽簪誰健在客心應逐斷鴻飛

其二

弟兄凋謝苦思歸鴈影中分願已違日月幾除羣從
 隔關河如夢一身微棣華春暖風先落荆樹庭空露
 自晞回首故園常寂寞鶴鶴原上重依依

其三

故人知我苦思歸欲爲離羣早息機歲暮山川書並

阻天涯雨雪客來稀應多紫葛迷樵徑卽恐青苔沒
釣磯聞說形容俱老瘦那能不戀芰荷衣

其四

田園荒廢苦思歸曾向松間坐翠微兒弱誰能謀食
足家貧翻覺有年稔親移野竹高千尺自種新桐大
十圍憶在東軒望先壟歲除那不淚頻揮

其五

爲憐驥子苦思歸憶昨牽衣事屢違屈指歲時身定
長驚心梨栗夢相依懷書並着青絲履落日同趨白
板扉知爾燈前共阿姊浮雲西北話親闈

其六

青山遠別苦思歸得失誰知是與非世外漁樵應獨
笑林中猿鶴久相譏扶雲峽雪滿松猶綠瓏塔冬深
芋正肥悵望殘年緣底事龍潭舊路尚依稀

羈鴈

萬子季野買得折翅鴈後數月飛去作羈鴈
憶鴈詩長安諸君子屬而和之余亦繼作焉
孤鴈不妄飛哀鳴以徬徨銜蘆入紫塞頗遭虞羅傷
託跡軒墀下捷喋秋日光豈不念江湖道路阻且長
雞鶩非我羣誰與同翱翔不惜隣鼎俎幸依君子堂
延頸望霄漢垂翅空激昂

憶鴈

燕山日落畏冬寒知爾高飛何處灘一望天邊
滿愁他關塞路漫漫

其五
傷傷六翮朔風輕獨客愁多月轉明知在瀟湘第幾
曲傷弓莫作舊時聲

過宿朱竹垞檢討
才子風流動士林禁城賜第
主恩深歲寒久訂良
朋約日下難酬國士心
夜箭傳神武漏清宵門對
景山陰迎陽梅柳皆春色
玉笋香醪細細斟

得鄭司直觀察台州書賦此懷之
懷人當歲晏俯仰獨徬徨
何來尺一書縞紵自生光

疇昔仗義信皎潔如嚴霜
持節向東南褰帷赤城傍
桐柏與天姥峰勢相低昂
檣溪流其間冬暖雜花香
我欲往從之江湖阻且長
肅肅斷鴻飛落日滿漁陽
一室徒延佇風雪鳴修篁
相慕非浮榮素心夙所將
雞鳴感君子贈答託短章

白鷹歌

白鷹奇質不易得
去年乃始覩其真
聖朝天子自神武
掃清逆賊歸王臣
是時告

陵翠華返風雨灑道收
纖塵東華候駕日旁午
鞞鷹照眼色勝銀
眼如珊瑚苗欲透
距如黃玉琢初勻
羽毛片片霏細雪
又如碎疊蒼龍鱗
有時蒐狩行古

禮孤飛匹練垂高旻草間妖狐不敢發區區何有東
郭魏朝隨馬首來上苑暮從豹尾趨紫宸左右一顧
自矜寵爲君萬里開風雲我聞宋徽宗昔能畫此鷹
又聞大元時曾有玉海青吾
皇田獵在講武威德駕御高聲靈嗚呼小鳥光榮何
足數君不見麒麟來遊鳳凰舞

立春日吧公再過寓舍言別次韻

此日初回萬里春一罇相對話酸辛河橋楊柳皆青
色欲拆長條送遠人

別周商桓

雪後鳴鞭下薊丘白雲遙逐大江流明年憶我秋風

裏應上仙人黃鶴樓

病臥有感

他鄉病臥誰與談昨宵歸夢南山南乍晴未晴寒轉
劇欲食不食心常貪踰墜向人祇自厭崛強入世還
不堪此身搖落似衰柳能無感憤悲江潭

十龍換骨丹 治左癱右瘓中凡不語口眼歪邪

獨活 羌活 川烏炮 草烏炮 防風 當歸酒洗去皮

川芎 天麻 何首烏去皮 海桐皮去皮

以上各等分為細末煉蜜為丸每丸一錢每服一丸空心茶

酒服俱可



